

漑

堂

詩

集

序

辛丑春余過廣陵與孫豹人先生定交一見如宿昔久之歸貽詩見贈戀戀不忍別癸丑春先生訪我於長安雖職務填委每與先生相對論詩則必移日戊午秋上有博學弘詞之選先生以應

召至京師寓禪寺中與余居比隣亦數數聚首談笑上以中書待先生是時中丞趙玉峰爲梓先生築廡余爲序余以趨走不暇久未有以應也壬戌冬余居白下先生過訪匆匆別去癸亥夏余避暑武昌而先生亦至依制臺董公幕中甲子春制臺捐館先生無所歸且云南遊衡湘北至燕薊益其悲憂窮蹇意中結轡不可道

之事形於顏面相向歎息而已因出漑堂後集見示且問前序余不敢辭余聞海內諸君子論詩者云豹人先生得力在一朴字夫朴豈易言哉江海所以爲百谷主者渺漫無際窮歲累月而不能望其涯際以其朴也黃河水來天上行於地中九折注海而流不絕亦以其朴也若夫鑿益沼以引清泉濬池塘以時雜卉此雕繪之見耳惟先生之詩如江海黃河之大且遠讀之者絕無悅耳奪目新奇可喜之觀而中所蘊藉人亦莫得而測之蓋其元氣渾淪如江之始流於岷山黃河之發源於崑崙雖支分川匯而總歸於海以故波瀾老成綉爛極於平淡其喜怒哀樂之迹不見於語言而使人會心於

意言筆墨之外此詩之所以朴朴之所以不可及也嗟
平先生秦人也寄居廣陵窮老無歸以謀生不暇日奔
走於燕趙魯魏吳越楚豫之郊其所閱歷山川險阻風
土變異及交友世情向背厚薄之故皆一一發之於詩
以鳴不平而舒怫鬱而先生若將忘焉殆久進於道耶
夫詩亦自道其性情耳高才淪落者無歎老嗟卑之辭
而見有既遇者恒悲歌當泣有惟憂用老之感焉其亦
皆有所不得已於中耶昔人論太史公史記惟一潔字
而海內論先生詩者以朴之一字蔽之其推尊也至矣
詩豈易言哉康熙甲子孟夏邾城弟王澤弘拜撰

先中翰公生於前明萬曆庚申終於今 康熙二十六年丁卯正月毅旦得年六十有八生平著述甚富已未歲以六科書雲李公等疏名公薦應

上博學弘詞之名攜所作稿本入都會少宰王峯趙公時爲考功郎相見歡甚傾筭倒篋授贖付梓其刻於京邸者旣堂前集九卷續集六卷文集五卷詩餘二卷久已流傳海內矣自巳未秋

陞辭還山迄丙寅凡八載得詩二千餘首痛自刪割存十之三釐爲六卷藏於家以余兄弟舌耕闕口無力殺青時以不能繼述爲憾邇年來懷豐瞻魯漢威寄南四兄長相繼下世余旣傷先澤之久溼又悲棟華之徂謝

形神俱瘁頰毛半白撫卷太息不禁涕泗交頤也今年
夏偶與家姪永公名居貞者文讌之暇談及漑堂後集
諸未刻稿本慨然力任剞劂始於季夏竣於仲秋不三
月而削氏告成嘻先中翰公辭世三十有五年矣手澤
宛然不克卽梓行世今成於吾姪永公之力蓋亦有數
存焉永公年少力學閉戶遁跡將來繼漑堂而興其爲
欣幸又何如也余因敘述及之不欲歿善云爾先中翰
公詩集已遵諸先達手訂悉登梨棗所未梓者尙有漑
堂隅說四卷經書廣義四卷古今稱謂彙編若干卷仍
俟有力者商確成之愧余不肖有志未逮也

康熙辛丑歲中秋後五日男匡薰沐百叩敬識

序

別豹人先生五六年天外冥鴻不可踪跡蓋未嘗一日
忘漑堂也癸亥秋奉使過華山意先生家於秦倘得策
杖同登驚人句豈必定思謝朓乃遙望蕪城悵惘者彌
日今春放舟南下客有言先生在武昌者亟渡江訪之
握手問勞不知身之在客也相與遊洪山登黃鶴樓尊
酒縱談因得盡讀別後諸詩大畧數卷中歲不多作而
古健質直旨趣遙深卽偶然贈答之作亦感慨蕭涼
有其故於陶杜間自出一手筆尊桂之性老而愈辣詩
固如其人耶余自力疾西行棧雨蠻雲倍歷艱險雖山
川靈竒足供眺詠而良朋契濶筆墨所寄以詩爲侶而
既堂後集

已豈意盤旋萬二千里乃復有故人哉然則是行也於
山見二華終南棧閣壘唐之勝於水見潯沱汧渭洛閩
巴峽之奇而又得遇先生且讀先生之詩舟車勞勞差
可以無憾矣先生不得志買舟浮洞庭沂長沙將復遊
京師夫自先生之歸輦下諸公相驚久矣余旦晚還
朝待先生於慈仁松下出新詩讀之其於陶杜間又不
知更何如也睦州弟方象瑛拜識

澗堂後集目錄

卷之一

思悲翁 門有車馬客行 牆上難爲趨行 鷄
鳴曲 長安道 少年行 詠懷十三首 在京
苔親友 爲王貽上題所藏畫 紀孟起職方屬
題畫冊 家惟一學士五十初度 題松壺圖壽
姜西溟母孫太孺人二首 留別方一峯仲人
瑞篇 壽羅母葉太孺人二首 送汪扶晨歸新
安二首 贈季調御 程母詩三首 題季調御
小像 喬雲漸見示悼亡詩及祭文因作此歌奉
慰 更衣曲擬劉夢得 元日仝毛大可陳其年

朱錫鬯汪舟次喬石林吳天章集飲曹頌嘉齋中
同用青咸韻二首 喜梅耦長至次施尚白使君
韻 出處 久客都門旁觀知警而作 吏部奉
旨議授布衣六人正字職銜枝蔚與焉因紀此
奉酬王貽上侍讀見賀授正字職銜放歸故山
次來韻 爲光展成翰林悼曹孺人四首 部議
初授布衣及生買貢監生年老者六人爲司經局
正字疏上 上特命進內閣中書舍人復增未與
試者二人同授是官再紀二詩次韻荅陸冰修處
士贈別詩六首 李吧瞻見賀進銜中書值六十
初度兼送南還次韻奉酬六首 爲黃大宗題易

居 嘲友 歸舟已買喜賦 朝眠 和黃山谷
擬省題二首

卷之二

贈王涓來宮詹 花朝前社集曹正子寓園分得

涼字觀字二首 趙元升濬登第 將歸江都留

別王金鉉司勳二首 歸興四首 六十紀事

奉酬梁玉立大司農送歸揚州詩 午日雨中丘

曙戒廷尉招同諸子飲白雲草堂時余同鄧孝威

南還兼承卽席贈別之作賦此奉酬二首 送李

屺瞻被放後歸里省覲次贈別原韻二首 揚州

送徐原一贊善服滿還朝 黃九烟再至揚州偶

得首句屬和 吳賓賢示陋軒集飢餓中讀之連
日夜不倦因題此於卷末 歎歲 哭無言宗兄

二首

題獨樹軒贈真州許明府石園親家十絕

第四子焉十二歲相對有感而作 出京三首

山人

元日早寢施尚白使君王貽上侍讀同

梅耦長吳天章洪昉思諸子頗見怪訝且拉之作

踏歌之遊燈火蕭然敗興而返因成二絕 處士

三人被 召不至美之以詩各一絕 濁翁自贈

題喬石林行樂圖三首 留別房衍公二首

和葉九來長安憶鶴詩 飲丘曙戒季貞寓齋題

查二瞻畫二首 題頤斯澹小像二首 戴楓仲

因夢名其讀書之閣曰丹楓閣屬題二首 歎歲
久不食餅月下聞童孫戲語漫成一絕 莫自取
誠兒 米貴 冬日早行經過田家述所見 歸途
將至汶上作 問孝子行 秦舛行 贈郝中丞
雲海二首 王子側歸里廣陵諸同人各賦八韻
贈別數日後余自真州歸來追和却寄 送仁趾
北上次吳賓賢韻五首 聽程隱菴雄彈琴 房
貞靖公祠堂雙白松歌兼寄呈令子與公 小桃
樹 老妻病愈設餅祭神閤其儉不忘恭也因有
作 謝受梅餉鱖魚鮓臘醋酒 繡毬花 劉介
菴自閩中典試歸過江都見訪携所刻全省閩墨

惠示諸兒 陳觀察夫人輓詩 寄懷焦公子大

夏 客真州看牡丹花有感 與客賞牡丹花登

前韻二首 哭凌蔚候二首 贈周榕客 程飛

濤四十 寄懷真州許明府石園親家郝雪海中

丞真州署中梅花二首 真州南郭二首 暮春

雨中汪梅坡翰林招同紀伯紫飲萬齋分得元字

李榜人招同紀伯紫袁受旃飲臨江酒家 送

江辰六赴益陽縣任二首 閩中秋同涂子山鄧

孝威查二瞻吳蘭次桑楚執宗鶴問華龍眉諸子

飲閩于天春星草堂 貧日偶憶辛稼軒事有述

雪中對穉兒匡有詠 贈田綸二復督學江南

吳蘭次始歸江都移居次余澹心韻四首 吳邨
羽吉二首 同宗定九黃仙裳夜過陳君三宅留
飲

卷之三

元夕汪叔定招同冒青若饒白看韓醉白王豐垣
飲臨街小樓觀燈兼有懷令弟季用六首 題顏
佳醕小像二首 老人 送劉開生西歸四首
題程隱菴小像 謝喬雲漸惠木瓜酒 書離騷
後 書陶詩後 書谷音後 書月泉吟社詩後
題茶坊牡丹三絕示同遊李樛人袁受旃其和
之 與汪汝爲坐江深閣三首 送吳山若之姑

蘇四首

汪子真惠畫扇三首

次韻答汪梅坡

翰林送炭

寄懷郭飲霞推稅九江

初夏雨後

程穆倩招同姜勉中學在曾錫侯吳仁趾飲秦淮

寓亭各賦八韻分得浮字

曾錫侯携具過寺寓

次杜子皇訪錫侯韻

題吳介茲一硯齋

朱喬

三母費太孺人貞節詩三首

送宗鶴問赴貴池

訓導任

贈友

王解子夫婦和吳賓賢

江都

池烈女詩和吳賓賢

吳氏和賓賢

元宵月蝕

歌飲閔子天崧宅

腹劍辭和李西涯

新豐行

和李西涯

吳門陋巷行和方爾止

題朱雪鴻

所作沛國朱氏傳贊後

曾錫侯招同杜子皇柳

公韓泛舟秦淮二首 哭季希韓四首 訪周子

佩留飲霜英堂同徐松之作 米堆山懷薛公同

徐松之作 與徐松之過休休菴留題 過清嘉

坊訪王大席同致吳縣 贈王大席二首 紅橋

客舍酬徐松之見贈詩 寄懷王貽上祭酒 寄

懷汪叔定 元夕飲閔于天宅分韻得移字 題

仙舟圖次黃仙裳韻 哭顧斯潛二首 再至金

陵訪周雪客留飲二首 贈金長真觀察 爲吳

介茲題節霞閣 寄賀房典公親家改補侍御

題李巨候大叅詩後二首 過方爾止故居 登

鍾阜有懷陳同甫 訪池州太守俞武功有贈

贈江寧太守陳孟象 贈朱喬三別駕 送蔡龍

文赴國子監學正任兼寄懷王貽上祭酒 訪蘇

州陳太守有贈二首 聞黃九烟自投水死哀且

異之賦二詩記其事 贈周子佩處士 訪周子

梁處士值征金陵作此寄簡 贈姚彥昭孝廉司

教長洲 再贈姚彥昭次潘蜀藻韻四首 贈余

潛心次來韻二首 贈丁方伯泰巖 賀慕中丞

公子登北雍賢書二首 雨中王大席司教招同

余潛心王山史周雪客諸子讌集遲徐松之不至

二首 自題辛酉詩卷

卷之四

八極上人六十二首 送黃俞邵再膺薦舉入修

明史八首 題姜勉中思嗜軒三首 讀元處士

周霆震石初集有感四首 送獨任和尚北遊五

首 與笠屨和尚坐朱阜公秦淮寓寧湖話竟日

有贈四首 經龍江亭故址 白池州歸抵儀真

別江船二絕 詠吳中古蹟和王仲光高士韻二

十四首 和高季迪韻八首 題姚彥昭小像三

首 題吳生小像三首 正月六日出門作二首

行舟十詠 任淑源五十初度贈詩三首 重

陽登太白樓寄金鄉宰張扶長 偶讀元人戴帥

初和陶公乞食詩感其有合於老人今日之所爲

亦和之得二首兼簡王涓來學士 哀石榴三

章 行路詩十首 過儀真縣有感 金陵 舟

中望小姑廟 泛舟十里遊汪氏梅莊大風雨至

始歸復飲於舟中同蔡揆一楊聖藻申浩然二首

徐州雨夜書事 歸途將訪丘季貞太史 留

別任淑源四首 趙雷文儀部權稅揚州 黃河

舟中二首 贈劉介菴使君 占耕 春晴次門

人薰致平韻二首 贈楊士佳三首 入徐州哭

五兄大宗四首 將辭制府歸有作 贈房與公

巡鹽長蘆二首 贈徐州守趙宗子二首 再至

濟寧贈州守趙蓮峰 送汪舟次冊封琉球二首

齒痛二首 淮安遇兵船過紀所見 桃源縣

來捉船示以詩三首 濟寧署中送任三歸里七

首 望西山有懷 徐孺子墓 歸舟入彭蠡湖

題張子房廟 王陵毋墓

卷之五

燈節前一日李匡侯大參招同曹秋岳侍郎杜于

臬葉桐初宴集限暖字 憫蔡三首 諭權舟者

輓崔凌岳兼呈令弟揚州太守蓮生 玉山避

風館懷李小有三首 董鼎來生日 二師 正

月二日曾錫侯見過鸞峰寺寓因同訪曹秋岳方

伯於隣院留飲至夜卽席限韻三首 羅參軍留

宿衙齋有贈四首

壽吳仲述三十韻

正月四

日過秋岳方伯寓齋值程穆倩杜于皇王安節同

至留飲限晴春二字

酬王安節人日雪中代柬

次來韻

贈馬見五權稅浙闕

過南市樓有感

舟中感懷

尊宿菴雨中遣悶

雨中留別尊

宿菴

七里瀨

山中鳥聲

僕歎

詠走馬燈

二首

詠老人燈

雨後同宋介祝遊小祇園值

王僧偶出二首

王玉倩携具飲于黃鶴樓三首

贈曹鼎來

贈余佺廬中丞

望金山懷舊二

首

對金山城堞有感

雨舟望海烈婦詞

過

富陽

過釣臺有感二首

聞子規

寄書豐縣

作放生卷贈三僧 贈賈山人四首 閑坐黃
鶴樓下誦太白聞笛詩因成自幸一絕 白華樓
詩三首爲方氏昆弟賦贈劉子業封君兼祝生日
二首 建隆寺訪遠擊和尚 贈張山來兼呈徐
松之處士 秋懷詩十一首次韓韻 詠史詩十
三首 題屏風十二圖爲友人壽 題雙忠祠
訪陳睦宮有贈 哭方于雲四首

卷之六

贈景陵錢明府子膺二首 汪長玉招同徐松之
閑廩連汪虛中扶晨程飛濤諸子飲郝氏園亭
顧書先雨中携尊過劉升如次山樓招同杜子皇

徐松之宗定九夜集 憶故園弟姪 贈武昌亢

郡丞 贈張武仕別駕 遇宗弟威公話舊 春

分前一日襲首驥命繫存將佩若招同方渭仁念

博李仁熟羅魯峰遊洪山寺限文字 送命繫存

遊滇雲二首 贈胥怡菴 家威公邀全胥怡菴

太守王穆公山人飲黃鶴樓二首 武昌遇莫大

岬卽送之遊江南 江邊送春 泊八里江遇午日

舟中晚起和白樂天 六月一日抵家 送徐

松之之潤州兼寄懷何雍南程子一 贈宗定九

呂渭叟二首 查二瞻七十 自笑 贈江都明

府劉友山 送王子重吏部典試還朝三首 舟

泊八里江同董天池限韻二首 晚霞 題董天

池行樂圖四首 法雲寺同徐松之作 題韓醉白

小像 題王觀煥行樂圖二首 雜詠五首呈趙

玉峰中丞 題顧書先草堂圖 楊敬諭 爲吳

介茲悼亡次韻四首 賁秀才有親已老而不能

養者 贈揚州郡守崔蓮生悉兩淮鹽運道 寄

賀許師六登第 賢愚 次張敦復學士賜金園

春山八詠韻 次姚耕壺司馬最古園春山八詠

韻 送繆墨書廷試北上 題史淑時悼亡諸體

詩後四首 汪季甲十二硯齋落成詩以賀之

嚴寒觀芭蕉欲死狀賦 爲郝子相題所藏周

東村蘭亭圖 勸酒三章壽問再彭 秋來數飲
十二硯齋中留贈三首 重陽後宗鶴問訓煥自
貴池至見訪 送門人董致平之南城任二首
雪後畏寒早睡 生日酬汪季角見贈詩次韻
生日酬汪叔定次令弟季角見贈詩韻 督學李
維鏡試士揚州有贈二首

慨堂後集卷之一

焦穫孫枝蔚人著

已未樂府

思悲翁

偶見蔣子雲集中有此體四疑爲之

思悲翁嗟嗟富貴浮雲歲月逝波鐘鳴漏盡行人奈何
思悲翁嗟嗟有兒黃口有妾紅顏軟塵十丈翁遊其間
思悲翁嗟嗟生必有死如豈有夜瞻被春鳩乃應所化
思悲翁嗟嗟燕乳巢中犢鳴戶旁白領非神出八年徒
皇皇翁一何忍耶思悲翁嗟嗟

門有車馬客行

門有車馬客氣焰驚雙童入坐祇須臾忽逝若飄風童

子顧我笑淡竟何如濃古趣徒自異今情惟尙同敢問
詩書力豈及錢刀雄童言亦自佳此客實難從自古有
此客漢道分汚賂文帝本聖君人衆不論功釋之亦賢
者補郎由貨豐作法一以涼誰不遵祖宗曹嵩爲太尉
崔烈位三公但聞賤士哂不見貧人恭後世益堪訝出
身由青銅郎將填街上都騎塞市中相沿遂至今滔滔
何日終豈憂吾道寒所嗟四海窮

墻上難爲趨行

虎穴可以取其子龍領可以求其珠殿上可以容人溺
誰言墻上難爲趨潭潭宰相府濟濟衣冠儒稱頌比伊
周援引皆詩書掃門終見用何損於丈夫不識窮通有

定數但云慵拙非良剛一朝禍患至塞翁唯爾愚望塵
先下拜潘岳身卒誅厚幣求左右東阿竟何如行險徼
倖胡爲乎信哉牆上難爲趨

鷄鳴曲

夜初更荒鷄何處鳴聞之使我心暗驚長安怪事無不
有此物竊恐關刀兵夜二更鷄鳴聲轉粗聞之使我嗟
復吁緇虎雕龍皆我輩孟嘗之客恐不如夜已半羣鷄
鳴不止聞之使我推枕起渡江擊楫彼丈夫老我依然
慮妻子夜漏終鷄鳴日已出聞之使我起抱膝罄金已
滿城門前伯夷何如蹈有術

長安道

幽薊古形勝乃是今京師滄海何洶湧碣石亦雄奇西
山眼底物復可供遊嬉寒天弓力大壯士歌聲悲慷慨
本自昔富貴多在茲就中門戶高收望不敢窺從龍經
百戰如虎臥中遶呵叱到百官奔走紛義兒抵觸無懈
豸指揮有熊羆金盤捧酪酥土窟堆朱提駱駝動成羣
錦帳用代籬傀儡遺口填戶問自何方來大者云督撫小
者諸偏裨門簿無名姓嗟哉諸有司懈魁味已厭何有
於彭蠡妖妾千百人一一如花枝競誇新結束咸鄙舊
容儀飾足厭行纏梳頭工練推冠用海青帽衣兼銀鼠
皮笑彼邯鄲女合歸養馬嘶建都無遠近用意係安危
從來行樂地不在沙漠陞久宦有何好念歸吾所疑風

起陽春月塵飛太液池汚溝方側足柴車忽奔馳傅粉
失何郎不潔蒙西施沉香索高價豈惜傾家貲道旁拜
揖者汝口何多詞清塵聞警蹕逢當羽獵時吉日擇今
朝風伯威難施異香宮裏出貴嬪同輩誰當熊爲漢重
教戰怪吳癡或言習武事是以揚旌旗豈識官家意崇
文陋往規朝覽長楊賦夕和栢梁詩新進正蒙寵不因
楊監知武臣方有愧競病難勉爲吳歛奏殿上樂官咸
低眉悔向延年學長如方朔飢人事有同異天心成轉
移反古災將及生世須合宜豈惟車與書請勸長思之

少年行

幽州多馬客焉支好顏色生長諸少年意氣何自得賢

如阮遙集貴勝蘓通國無恤天所授於汝復何惑

已未五言古詩

詠懷

桃李穠其華有實亦所須盛名同畫餅救飢功則無瓊
瑤爲舟楫金玉爲弦弧涉川與激矢持此安可圖燕昭
能取士樂毅聞風趨其文不多見僅傳報燕書不知漢
武朝奚取於相如行誼旣如彼詞賦徒有餘

二

文士多大言鋪張類錦繡不能理目前安冀傳身後目
前何所急豈不在去就君言復甚辯援溺手難袖有經
須有權何妨由徑竇吁嗟宰我賢乃出孟子右道逢井

有人惻然思往救焉能歸閉戶坐看鄉隣鬪

三

昔有安期生賣藥居海邊秦皇得聞之請見何敢然與
語經三日要訣秘不傳金璧雖散萬揮去如一錢本自
貧賤士忽在帝王前世有求於我我復何求焉

四

螂蛆自甘帶秋蟬惟飲露物生天地間清濁殊所慕惟
人亦復然立身貴有素秦氏一女子耻逢趙王顧趙王
豈不尊雙親恐見惡汝軀况七尺能文復善賦乃如楊
白花隨風飛處處

五

出遊聊解憂相逢非所望下馬繁華子開口笑羲黃混
沌雖已開珠玉猶韜光生年稀滿百不如美衣裳左手
招安陵右手攜龍陽道義雖云昵比之如路旁聞此中
自悼默默歸空堂

六

凌歊昔開讌戎冠多勲臣亦有能文士賦詩頌皇仁旌
旗下拂樹笳管上微雲意氣雄八荒遇合榮千春是時
柴桑翁獨酌方醺醺偶然詠荆軻痛絕羲皇人

七

車駕出有日清道靜無譁侍臣班揚帝賦才爛雲霞雲
霞豈不美脩阻當奈何是時天正寒北風嚴且苛夕臥

衾凝冰朝餐飯攪沙穆王本仙骨蓬萊卽帝家造父能
爲御八駿去忽遐曷哉諸君子勿悲筋力差諫獵爾無
書捐軀亦何嗟

八

高士在深谷垂老無交朋興至惟獨歌坐起常獨行動
卽合古昔不自謂聰明問君何能然曰予夙有慾自得
貴深造發言徒盈庭原思夙履日見笑同門生同門不
相知博學枉有稱所以割坐席至今誇管寧

九

翟生道與周生于總角相提攜當其隱潯陽同乘南岫
犁謂當老於此庶將沮溺齊周生逢太尉舍我忽東西

我心如清泉但澆山下哇君心如白石爲人護沙堤自
古鮮有終非君獨乖睽他日蒙相過貌恭趾不低麾去
旣不可無語但悽悽朝事吾懶問野性君久迷

十

昔人年五十已知前日非我今十年長求是良已遲引
鏡每自相况非富貴姿直言易取禍傲性多違時魏勃
能掃門得官國所宜德操惟言佳荅婦亦如之我無一
於是但當思見幾送老蓬蒿內庶免賢達嗤

十一

旣退須勇猛及歸稍徘徊肥本無慕飢寒將取咄所
念流寓地旱澇數爲災斗米換衾裯親舊稀往來鳳凰

無竹實忍飢心不回衆難方啾啾能無增悲哀
雖自取不妨身長久董卓與元載所蓄豈不厚
那識火燃臍焉知被塞口

十二

王維是何人乃笑柴桑翁一耻之不忍而以乞食終或
嘆南渡後處士無高風能詩劉之改與戴石長年奔走同
斯言誠可畏復可勸固窮顧念三十口蒸菴常不充棄
之爲不仁驅我西復東嗟哉士無田忍垢百年中

十三

銅仙與石鼓本自無血氣大運一朝改固宜聽移置石
尙不如銅辭漢流清淚我身非二物敢不思自異歸去

尋舊鶴逍遙肆吾志素衣今已緇頽之竊有愧

在京荅親友

壯歲卧蓬門老日登徵車親友喜我至置酒日無虛酒
問何所談相勉雲路俱思之豈不熟焉敢逃厥初貴賤
各有命夫豈繇人謀齒髮况已衰西日明桑榆朝榮夕
便悴常恐木槿如枚乘逢武帝忽焉死中途堯臣修唐
書書成人已徂彼生聖明世皇皇榮其軀焉知鬼神意
乃與帝王殊因觀自古來吾寧守故吾

爲王昭上侍讀題所藏畫

結屋青山裏繫艇青山根山非華與嵩延眺怡心魂嘉
樹何葱芊有意蔭柴門此境將往卽俗士誰可言摩詰

如相對輞川卽同論

紀孟起職方屬題畫冊

吳遠度慕文與可畫竹

老可今已無吳生亦勝流尺幅惟數筆便同淇園遊我
家本渭川歸思正悠悠日走軟紅堆清陰何處求藏畫
蒙相示契如針磁投却看晁補之補之宋藏文與可無異可竹東坡有詩

王子猷

家惟一學士五十初度

及第昔妙齡還朝今皓首優游山水間不言歲月久遺
榮薄真公玩世如莊叟乃知文章伯仙骨生來有忽聞
靈鵲噪草詔須巨手連炬焰猶逾珠花縫袖口用王禹偁
向來恬退心能念寵遇否我聞元和初席與宰相耦國

柄付文士十常若八九今皇重侍臣禮出唐朝右安坐
上雲霄勸且進大斗先生笑相謝富貴誠易取吾年今
五十日月疾如走學易記吾師知非亦吾友

題松萱圖壽姜西溟母孫太孺人

嚴蓀友書

青松勢干雲鬱鬱千歲姿鶴髮如王母對之顏色怡指
與膝下人記得種子時
萱草北堂下不因念憂栽兒不爲潘岳憂愁何處來但
愛薰風裏兒女花正開

留別方一峯伸

遙遙離故山僕僕走京塵京城雖云大無處藏吾身曾
聞第五頡入洛無主人寄止靈臺中蕭然誰與隣以此

聊自慰不敢怨長貧豈知伯通無意與杜陵均雖無屢
萬間淹留夕復晨藏書况滿架釀酒復極醇詩法宗北
地懶與吳士論愛我性頗直譏評曾不嗔因之針芥投
豈獨意氣新鮫人將出戶留珠吝慙慙愧無所贈臨
別惟酸辛

人瑞篇 房職方與公命賦

蜀中青城山傳有老人村所飲惟菊水或見五世孫鹽
醢曾不識所以年齒尊未有處城市又不絕腥葷而能
享上壽異乎前所聞香山稱九老者英十三人或交
游列同娛花月辰考其所生里鄉國邈然分以此知造
物客使福壽均近日房職方遇我老更親酒間所稱述

兼可慰心魂惟予久爲客飄轉如蓬根六十眉如霜向

後忍更論恐讓首丘狐不見湖陵原職方顧我笑妄意

窺鴻鈞豈知南極星垂光照吾秦邑中多人瑞不數鳳

與麟請問人瑞誰歡喜爲我言其一仇學博字玉華百

歲德彌純其一李文學名可進字公門壽亦踰九旬二楊異出

處楊在唐字鼎卿丙戌榜舉人年九望之同松筠一爲

江山令惠政頗及民一爲老諸生尙垂清涓綸惟此四

先生城居非鄉隣間亦同宴會色恭情復慙自從干戈

擾幾人全天真四老產一邑洛社何足云我欲求畫師

僧舍繪形神請子賦新句與畫傳于春聽此神忽王事

如在吾身狂夫或不死尙與步後塵引領還悵惘何時

歸里門

壽羅母葉太孺人

羅有章懷祖臨思之母

筵前奏錦瑟戶外馳高車誰知賢母心臨觴轉歎歎自
稱未亡人憶昔爲婦初夫子有壯志不得常家居僮僕
雖滿門誰與課耕鋤耕鋤苟不勤何以養舅姑今日上
高堂事事增躊躇身爲堂上老耳聞樹上烏但喜諸子
婦與我昔無殊天道云不遠斯言誠不虛

二

人生貴有子子復貴賢能顯親須令聞簪笏何足憑自
從風俗壞訾儒若銅陵銅陵胡叔才才高道亦弘將歸
壽其親情事翻可矜所懸鄉人笑卑飛殊塞騰荆公贈

以言慨然爲撫膺教子學聖賢風化繇斯興何慮彼羣
庸笑聲如蒼蠅羅氏好兄弟立身何峻峭爲我述母教
與古堪同稱義方何多讓茹葉復含冰期子爲卧龍不
羨怒翼鵬只今東海邊菽水歡可承是月春酒熟是日
酒如澗嘉賓滿壽筵綵衣映華燈我無荆公筆何以祝
升恒因母竊有感俗態誰能懲爵位如太行險絕難勇
登佳兒常繞膝何論卿與丞

送汪扶晨歸新安

自我識汪生懶作伯牙頌伯牙雖懷舊徒然輟琴弄
兒不苟生七尺如梁棟不爲人所藉草裘何足共明鏡
受人照人去鏡無用無用本無知吾嘗比庸衆汪生意

氣人四海稱伯仲涉江爲知己情勝招魂宋當其赴急
難不獨財可賙及乎恩已酬故山漸入夢江日曉無暉
瓶水夜初凍是時聞君歸車馬紛相送巨公來坐上
方名士賦詩贈別者五十人曾侯爵亦在坐此行頗增重我詩附其後兼
請備勸飭

君歸不擇日無乃念繁阿繁阿誠足念門前對紫霞
茲山饒佳植最佳無如茶不須諫議贈頗勝盧全家欲
茗還哽咽重問但悲嗟昔時茶葉肥常得高堂誇茶樹
今在眼茶味亦不差兒歸母不歸雖歸如天涯母歸亦
有日墓門松柏多扶杖歸替葬事

贈季調御

出門歲已暮入城雪飄揚天風我獨知自笑如枯桑所
賴文字交見卽命壺觴新知豈不散故舊倍難忘日月
同逝波舊人異舟航舟航有返時舊人送何方面翁昔
遇我縞紵贈道旁今來逢嵇紹何其似嵇康涕下落樽
中談興誰能長顧我亦衰病前路短倉皇惟願吾小友
努力少年場功書竹與帛名媿謝與王

已未七言古詩

程母詩有序

程母詩爲歙縣程處士岫字雲家母作也雲家父玉
中先生名懋衡聞甲申之變不食而死母事舅姑如
夫在日鄉人皆稱其孝撫幼子三人皆成立丙辰秋

壽六十余友吳賓賢美之以詩他日屬余和焉余未
得交雲家但從賓賢處得見其所作江村詩善作悲
涼語酸澁有冰雪之色心異之且嘆義士節婦之有
子也詩之三章因并及之

我嘗讀史嗟嘆久褚淵馮道顏何厚祖宗養士况多年
幾士曾開軀肯捐不怪書生盡苟且世間自少讀書者
書生亦有程先生歛邑至今傳其名行歌惟愛首陽靜
得比夷齊非不幸時復嗚咽語糟糠曰吾一死名可揚
吾有雙親吾敢忘汝舅汝姑惟汝將

二

林中亦有筍溪中亦有魚夫子今日何躊躇堂上明日

聞悲呼不忍見兒所讀書妾欲焚之不可焚俯視膝下有諸孤黃金滿籬曾不如

二十三年轉眼過請歌南山爲母賀復恐歌詞不易成

那有陽春鶯滿座頗聞令子工吟詠况有吳生謂寶賢共

切磋昨見江村二百首色如秋水淨難唾不用南陔更

采蘭臨風自有馨香播夫爲義士兒逸民門外紛然頑

與懦東海桑田真等閒麻姑歲歲且安坐

吳野人曰：首數歲之役詠嘆之聲立身題外射的題中非作大如操何以能此僕作不異並補矣

附吳寶賢程節婦詩

谷爲陵人世非鼎湖龍去不歸隴上禾熟程公腹悲

解 公無名位如龔生公無門徑如蔣翁不願立他人

地上飽食令終解朝不視餐夕不視餐室中新婦長

跪前夫子有志兒女子衣何敢牽解歌呼慨慷仰邪

俯邪付之誰邪揮手就泉下笑謂室中婦汝稱未亡

解未亡人捧養上堂但見堂上雙白頭不聞故人聲

與音泣不以面淚滴中心解未亡人抱杼下堂但見

呱呱黃口不見故人容與顏車輪入懷轉我肺肝解

肺肝股勒菽水甘馨身老姑蠶瘠者起盲者更明解

祭燈照夜傳簡授編孟博士行方將為世規矩寧知

母也側愴勞苦三十解年解鄒衍呼天霜飛五月魯

陽揮戈空駐落日解哀哀寡婦神鬼祐爾煢煢孤兒

鄉隣莫敢侮爾嗟哉母今日之生嗟哉公昨日之死

解

題季訓御小像 射獵圖

秋色染葉葉初黃
性性羣鹿霜林下
公子抱劍獨端坐
看君氣度何闊雅
英雄狀貌如好女
無乃漢代封留者
長弓大箭時在旁
有用之器誰能舍
虎似健兒喚作奴
鷹縮老拳勢欲打
賦鹿歸請主人賞
一笑翻嫌所得寡
我愛季生真名士
癖如王湛惟嗜馬
復學杜陵著短衣
願隨李廣馳原野
射獵偶命丹青手
一味粗疎更瀟灑
覽罷此圖忽慨然
儒術誰論真與假
先王造士法久廢
才兼文武何人也
讀書不堪作將帥
徒然左傳手常把

季生季生須努力莫負秋冬愛春夏

喬雲漸見示悼亡詩及祭文因作此歌奉慰

喬子家居八寶城停舟每在邢河側相見尋嘗笑口開
比來頗怪衣襟濕樂府舊傳三婦詭五言新示悼亡什
夢中炊臼自何時鏡裏畫眉追昔日偶看詩就似安仁
何止賦成同禹錫川上心驚比目鱗林間愁對雙棲翼
夜覺牀空寢未甘畫闌絃斷悲難塞問君母乃吳莊周
鼓盆聊可代琴瑟君言所愧非孫楚除服何曾念憂戚
展讀祭文何媿媿更數生不能歷歷自從燕爾稱兄弟
誰如之子宜家室入厨新婦善調羹安坐丈人常飽食
粉黛羞施異少年湯藥親嘗愁老疾閭里齊稱孝婦名

甘旨獨勤中饋職采蘋采藻意偏恭弋鳧弋鴈口難默
方幸闔門樂事多忽傳道路羽書急江淮是處入烽煙
家鄉寸步生荆棘倉皇避亂走陽山委蛇免禍憑陰騭
此時龔缺廢耕耨此地龐公甘隱逸主人有似伯通賢
賓客何殊伯鸞匹痛定俱爲思痛人憂深早講忘憂術
每念人生不孝三常笑古來出婦七玉鏡移爲聘妾資
昔燈許照宜男色但令大與小無嫌何妨緜與素同織
母如樛木能下垂兒如甘蔗惟庶出生遲敢謂仙家果
不妬何慙太姒德小星三五猶在東月裏姮娥無消息
樓中不少抱衾人佛前齊頌觀音力願教主母早升天
永庇嬌兒如在膝信若君言君勿悲焉知不往西方國

天道雖然苦茫昧人情可據何疑惑少女且可尋沙門
蓬萊何似歸兜率輓歌盈耳不足聽彤管流輝永無極
更衣曲擬劉夢得

昭君本是漢宮女上馬更衣淚如雨袖長拖地手裁成
看處何曾一日舞不堪腰帶北風吹只將顏色鬪馬支
宮中舊伴能相笑記得薰香熨帖時

已未五言律詩

元日企毛大可陳其年朱錫鬯汪舟次喬石林吳
天章集飲曹頌嘉齋中同用青威韻

上壽纔趨闕開樽復聚星應重侍中席許坐子雲亭後
飲老難少清歌醉易醒何須傷膠齒談笑正忘形

未覺桓伊好吹簫亦不凡大可度曲其年吹紫簫倚而和之聲殊闐塞
笛狂欲舞春衫客裏逢新歲秋來別舊巖交情深可倚
鄉思莫相挽

喜梅耦長至次施尙白使君韻

相見喜何似青天雲霧開越禽未南去宛馬忽東來揚
意竟難遇浩然寧不才遭逢看自古攜酒且登臺

附施尙白詩

好友離居久一樽誰共開梅花將照眼早趁東風來
天子不得名幾人真愛才高歌夕陽裏舊是黃金臺
出處

出處能謀婦古稱優孟賢故山長可念楚相乃徒然積
雪蒙頭上浮雲過眼前肯如蜂作蜜却去採黃連

久客都門旁觀知警而作

終朝嗟老景每夜夢江干種黍田雖少堆書屋頗寬手
馳九折坂共戲百舞竿醉舞傲飲者何妨不飲觀

吏部奉旨議授布衣六人正字職銜枝荷與焉

因紀此

一官懸遠志四海本浮鷗善賦曾非晏晏元獻公殊因

童年况異劉劉晏以神童授山人今返駕小婦免登樓

臨水看蝌蚪惟添錯字愁岑嘉州送王伯倫應制校正

文古

奉酬王貽上侍讀見賀授正字職銜放歸故山次
來韻

豈有朋難正得蒙天許闕黃鸝日催曉倦鳥久知還拜
手辭仙伯回頭望泰山驪駒歌未了不覺動愁顏

附王侍讀詩

領取頭銜貴名高身更閑雖蒙秘書拜只似白衣還
詩卽杜陵叟官如陳后山鬚眉無恙在歸去臥商顏
爲尤展成翰林悼曹孺人

幸爲才子婦曾是女中師鸞馭今何往鷄鳴竟不知孤
桐心半活一劍匣初離遂使長安道爭傳滄岳詩

聞道于歸後金銀首未華光真是鴻配巴不羨鄒家元時

李氏女適巴長卿甚貧諸姊妹中有適伴讀能終夜鳴

鄰者其富而笑之巴妻遂作巴家富詩

機對落霞如今傳往事七滅可同誇

三

司李榮華暫夫人計慮長惟思大門戶日勸誦甘棠繡
佛千針指生兒兩鳳凰但留彤管在亦勝返魂香

四

五日期曾否千秋遂永際歿爲翰林婦生笑太常妻割
肉將誰遺修書合獨栖從今看燭跋只似數行啼

部議初授布衣及生員貢監生年老者六人爲司

經局正字疏上上特命進內閣中書舍人復增

未與試者二人同授是官再紀二詩六人為王方

維翰鄧漢儀王嗣槐及
技藝二人為傅山杜越

文學曾何有君恩亦太寬上論傅山等八人文學素
著念其年邁可授中書

舍人職銜以
示恩榮髮如毛穎禿病似紫微殘拜謝須朝服蔡

慙對釣竿惟應驕賈客不是買來官入費求官
者有新例

二

無望何勞賀儻來真可驚曾非鷄肋比虛有鳳池名問
恥如原憲觀爻慕向平他時戒吾子不必上銘旌

次韻荅陸水修處士贈別詩六首

相逢各短褐臨別換單衣自賀身能退同愁面易違月
中看玉臂雪裏掩柴扉回首金籠羽何時舊路飛

二

高處從來險金門卽太行訟田謀竟遂墜笏態難狂爲
返江湖棹重尋上下牀知心那易得別淚忽浪浪

三

謬誇詩萬首敢比放翁詩身世長如此黜名那可期文
場惡虎視踞路免狐疑遇爾雲間裔將焚筆硯時

四

相憐俱白首無計補蹉跎滿地八風舞彌天勅勒歌老
牛宜在屋古井不生波輪爾猶狂態聲中喚奈何

五

竟得官銜去何心誇四隣虛敖稱博士弘景慕仙人丹

龜能同守朱顏許再新歸來滋味好豈只想鱸蓴

六

幸在天關外終朝謝轡銜還借老隣女重補舊時衫得
夢殊棺腐題門任鳥凡耦耕休失約惡草待同芟

附陸冰修詩

山人掉頭去不脫山人衣總向風塵老誰令心跡違
傾裝買吳艇計日到荆扉得似南歸鳥因風晚夜飛

二

似爾真無賴支離賦幾行才從鮑昭盡態劇子陵狂
字減投人刺塵堆架筆牀倚舷還獨笑吾與本滄浪

三

六十年來事難忘萬首詩已看成卷
衰差不負心期豈有浮名誤從教俗論疑故園歸正好白藕作花時

四

平生遠遊興垂老竟蹉跎夢裏朝雲賦樽前雨雪歌
雷塘綠楊路邗水白蘋波錦纜青絲轡當年意若何

五

湖海憐同調燕山偶比隣却看南返棹愁絕未歸人
妄意黃金就無驚白髮新秋風鴻雁動相約採絲蓴

六

青山原舊領應不藉頭銜宿酒傾家釀征塵浣客衫
文章曾詛楚身世欲亡凡儻怪吾詩句元龍氣未芟

李杞瞻見賀進銜中書值六十初度兼送南還次

韻奉酬

恩榮來意外敢謂勝方干老鶴何勞駕山鷄自有冠本
無尸入夢枉說尅爲官五行以尅我者爲官賀語同珠玉誰能按
劍看

詩家有韓孟衆鳥怯鳴春何用篇徒富深慚力未均朱
顏杯裏在白髮鏡中新懷土兼懷友能忘百二秦

附李杞瞻詩

白髮真爲累青雲忽爾干雖登鳳皇沼不着鷄鶩冠
處士思逃爵君王勅進官兩辭天部日激切萬人

潛

初將試勅人詣吏部以老病辭部謂勅人未老及
後驗觀年老將授官的人復以未老辭并授部

世前語先後詞氣
激切控辨甚力

著作一千卷鬚眉六十春集成燕紙貴吟苦楚辭均

物人既堂集
時方梓成

松子遊何晚山人服不新送君返邗上

吾亦計歸秦

爲黃大宗題易居

易名自云取居
易侯命之美

坐上小山客門前淮水聲君知桂枝好人羨棣華榮

兄弟外物既無慕高齋還易成居難何所謂應讓此黃

生

嘲友

念汝常多病空齋難久居瘦非經飯顆醒本似三閭入

閣應嗔犬臨流或泣魚倘能憐孺妾陸厥莫相疎

歸舟已買喜賦

素衣緇已久朝市我何求老怯桃花馬歸宜竹箭流征
塵難得入關稅不須憂泊岸憑昏黑燈光出酒樓

朝服

美睡曾難足歸來遂所望寒家少賓客倦鳥化鴛央戶
外傳時畫衾中怯曉霜朝鷄聞馬上愁煞汝陰常歐陽公詩
笑殺汝陰常處士十年騎馬聽朝鷄謂穎上常夷甫也

已未五言排律

和黃山谷擬省題二首有引

御試有期同來應 名諸君子皆閉戶研鍊詩賦枝蔚
如野道十本無意於蓬萊間一緡及經卷送日而已

篋中偶攜黃山谷集見有擬省題四首試和其二聊
資游戲此外二題非志所存亦懶及焉

歲寒知松栢

蒼然松與栢榮悴恥隨時地僻長相伴天寒始見知衰
憐蒲柳脆勁耐雪風吹鶴記堯年脯龍存漢代祠陶潛
誇獨樹杜甫愛霜皮但得高人賞何勞匠石窺

被褐懷珠玉

孟子無慙璞鄒陽亦比珠求賢非古帝被褐一愚夫
願詩能探璫溪釣有徒不貪真是寶子罕曰子以玉爲寶
無趾自相趨孔融與盛孝章書珠玉無趾而走四方者以其有名也掌上身曾賀
懷中罪可虞誰能同賈客販貨向京都